

東

華

續

錄

光緒一百八十六

臣朱壽朋敬編

臣章圭璋恭校

二月庚戌朔日有食之○商部奏臣部於光緒二十九年十月間奏定鐵路章程摺內聲明礦務章程前經欽奉諭旨飭令劉坤一張之洞探擇各國礦章詳加參酌現在張之洞尙未議定應由臣部先擬試辦章程等因奉旨依議欽此欽遵在案今張之洞業經回任關其於泰西礦務各書購置甫齊編譯尙需時日臣部自奉旨綜核礦路事宜實有專歸目前風氣漸開各商紛紛請辦礦務若無定章准駁難期畫一況事關華洋交涉尤宜審慎周詳藉資遵守查光緒二十四年十月間路礦總局曾經奏定礦務鐵路公共章程二十二條二十八年二月間外務部又經奏定礦務章程十九條以上各項章程數諸現在情形均有應行修改增補之處臣等公同商酌擬定礦務暫行章程三十八條開具清單恭呈御覽如蒙俞允卽由臣部通行各省遵照並咨明外務部照會各國駐京大臣備案嗣後俟張之洞輯有專書仍應歸併辦理以免歧異得旨如所議行○辛亥上御乾清宮韓國使臣閔誥謁覲見星返國書○壬子諭軍機大臣等有人奏兩淮鹽務積弊甚深汪詒寬等把持抑勒請飭查究等因著兩江總督魏

光霽確切查明據實奏原摺著鈔給閱看將此諭令知之○甲寅朔 日於東郊 上親詣行禮○乙卯命員勒載洵之子名溥侁○丁巳祭 社 稷壇 上親詣行禮○己未 上御乾清宮大西洋國使臣白朗覲覲見○陳慶龍奏現值時事日艱需餉孔殷自計搜羅尙難遽積鉅款而固有之類賦何可不思整頓任其缺乏無如積弊已久必須悉心考察遞積情形然後次第措施方於 國有益而民無擾臣自去秋蒞豫卽日夜圖維現復督同藩司瑞夏等往復察酌擬定整頓糧賦辦法五條通飭各屬照辦事期必行一曰提徵存查輸納錢糧例應民間自行投櫃照數填給印串而零星小戶離城遠或託糧差代完該差畏受比催往往虛報收數而錢糧尙未收齊以致積成民欠豫省向章錢漕徵收串一離根便作徵存如有虧欠著落經徵官賠解原所以杜摺串之弊今擬將不能掃數各州縣每年由司開明錢漕限宗數目先行札知並於上下忙截數前一月委員馳往調齊徵冊流串澈底清查將徵存銀兩先儘司庫提解以免豐備留支致啟挪移之漸並將不足之數實成委員守催印官比差徵解足數方准銷差漕糧開徵亦如此辦理遇有報災一面飭該管府州請勘一面由司開比較完欠清單遴員查提如此則官虧差欠弊可漸除矣一曰歲比較從前錢糧比較賦上下忙尙屬認真而每月比較寬同虛設查核尙未屬密今擬將不能掃數各州縣每月由司專案比較一次仍於上下忙截數總比一次漕糧開徵亦照此

辦法其民欠最多州縣

選守潔才優之員實力整頓嚴定功過以示勸懲遇有稟報災傷由司委員前

往按照比較清單確切查明

將某里某甲未完者若干戶被災者若干戶分晰列冊送核以昭核實其

帶徵最近一年錢漕亦於當年新

賦分別比較雖不能新舊一律全完而解數自必稍增蓋少一欠戶即

多一正供則催科待力而民亦不至

擾矣一曰查寄莊查州縣轄境犬牙相錯居民田產有在外縣置

買者名曰寄莊戶此項田畝皆招佃承種

糧則由地主完納往往恃居附境疲玩拖欠任催罔應擬飭

將寄莊花戶由經徵州縣照例造冊移歸鄰邑

徵應得不餘仍歸代徵之員以資辦公其當地戶名亦

令過冊載入冊內如奏銷時寄莊錢糧尚未徵完即飭各里將此項錢糧催由佃田之戶完納准其於所

輸田主租糧內扣除田主恃符抗欠即由地方官移請該田主原籍州縣稟傳嚴追按例懲辦則寄莊隱

欠之弊可以除矣一曰清欠戶查豫省不能掃數之州縣或因軍興年荒戶口傷亡或因河患頻仍水衝

沙壓雖休養多年而元氣仍屬未復州縣久無魚鱗冊籍奸胥刁民不免因緣作弊相沿既久有種地而

無糧者有有糧而無地者清丈既恐累民惟有飭各州縣查明某里某甲欠戶若干分別造冊嚴為釐剔

遞年比較如甲年完而乙年欠必查其致欠之由乙年完而甲年欠亦查其能否帶徵如實在被災者即

照數請緩倘係抗不完納亦須拘案嚴追地方官遇有交替必將欠戶冊與正賦冊移交後任註明復錢

糧額若干戶督徵官卽以每年清欠之多寡考歷任催科之功過田賦逐漸可清矣一曰興水利豫省地面東南平衍西北高崇山河逼湊凸凹懸殊祥符等數十州縣所以旱潦容易爲患者蓋苦於地勢之不齊並由於農事之不講今擬飭司委員分赴常患偏災各州縣會同地方官遴選公正紳耆親詣各該處察看地勢酌度情形某處當鑿土井某處宜開溝渠少者則增之淤者挖之疏之務令相度合宜本境有益而鄰境無損繪圖勘估擬定章程官督紳辦就地勸捐倘係窮鄉酌籌津貼每邑擇要次第開辦以資灌溉而利宜洩冀可補天時地利之不足更勸村氓習勸力農種桑飼蠶不必急科稅則俾其克獲利益民生易於樂從如此不惟糧額可復災害亦可漸免矣以上各條或係按照成例實力奉行或係體察情形變通辦理果能行之日久似可逐漸收效督同藩司瑞良等自當殫竭愚誠破除情面慎選賢能認真整頓地方官如有不能勝任與不盡力立時撤參倘辦有成效卽令久於其任俾可從容展布以期糧賦日增餉源有濟稍釋 朝廷宵旰之忱得 旨覽○庚申商部奏 朝廷重視商務設立專官兼以農工路礦諸要政亟須次第舉行 特命臣等悉心籌畫臣等伏念行政之要理財爲先邇來時事多艱籌款之難百倍曩昔上年臣部具奏酌籌經費摺內曾將爲難情形縷晰具奏並聲明不敷之處甚鉅嗣後再當設法籌措以期應辦諸事可以次第舉行等因奉 旨允准在案蓋以辦事必有切實可恃之款

項而後有維持可久之規模方今 聖懷軫念民生一切均應就公家固有之利剔除中飽等再四思
維因見國家流衍轉輸之利有在無形之中而未及經理者則江海關道之收存款項是已查上海一埠
稅收最旺而各省釐解賠款還款亦以此為總匯之區江海關道經徵華洋各稅及兌收各省釐款兼皆
存儲候撥若能於未經撥用之先隨時將收存款分存股實莊號酌定按月按日生息章程則聚米為
山積沙存塔綜計所入每年不下數十萬兩茲特約舉其數為我 皇太后 皇上詳細陳之一曰關稅
查光緒二十八年間各關華洋貿易總冊內江海關共收貨稅船鈔洋藥釐金一千八十一萬四千兩零
此項關稅於徵收後照章按三箇月開報一次就收期之遲早酌盈劑虛約計常年存款二百萬兩按月
息銀以大盤核算每年實可得息銀十四萬四千兩此關稅生息之數也一曰賠款查辛丑和約定後新
案賠款以及四國還款歲須籌備銀四千餘萬兩此項銀兩除由江海本關稅銀內撥付外其餘均由各
省關先期彙解江海關道兌收就收期之遲早酌盈劑虛約計每月存款六百萬兩每百兩按日息銀以
一分五釐核算照月息不過四釐半每年實可得息銀三十二萬四千兩此賠款生息之數也以上兩項
每年共應得息銀四十六萬八千兩今擬酌定辦法實成江海關道將所收關稅及賠款銀兩隨時分別
存放股實莊號生息按三箇月報解一次并造具關稅收數日期清冊一分關稅生息日期數目清冊一

分賠款還款收數日期清冊一分賠款還款生息日期數目清冊一分一并申報臣部查核至該道衙門造冊應需薪工紙張等項經費准其由息款內提出百分之五作為津貼俾資辦公如此變通籌畫祇以目前自然之利歸之公家在該道任此責成絕無為難之處而臣部有此的款可將農工路礦諸政擇要舉行實於商務大有裨益相應請 旨飭下兩江總督江蘇巡撫轉飭江海關道即自接到部文為始分別款項切實遵辦并由臣部咨行各省督撫轉飭司道將應辦江海關道兌收銀兩務各先期籌解嚴飭領解人員按照定限隨到隨交勿得稍稽時日俾該道於生息各款得以騰挪周轉嗣後如國家設立銀行或須另籌存放生息辦法屆時再由臣部奏明辦理得 旨著兩江總督江蘇巡撫督飭江海關道如數撥解商部○辛酉夏敦復奏民為邦本食為民天四民之職農習畝商資營運若工則凡有一手一足之力者皆足以生財而自給故呂氏訓大學謂國無游民則生之者眾自是不刊之論自海禁大開西人以機力代人工運我生貨製造成物轉售於我不特握我商權抑且侵我工業日本踵起濶輪益繁加以內地漏設製造廠汽機之能力日以加增胼胝之手足遂歸無用以致各省失業者眾京師為萬方輻輳之區游惰尤多固因生計鮮薄餬口無從亦由逸居失教羣相暴斃迫至饑寒交迫弱者既填於溝壑弱者遂入於菴苻事皆習慣情實堪矜伏維我 皇太后 皇上宵衣旰食軫念民依凡茲一夫不獲之

情皆虛 九陸如傷之抱是以年來於工藝一事每遇臣工之奏請蒸荷 溫諭以頒行 綸綍所敷萬
方欽感現在京師地面雖已設立工藝廠數感然均為抵制洋貨起見雇用工人有限而於無業游氓沾
被尚鮮以致鵠面鳩形之輩游蕩無籍之徒仍復接踵於道查泰西各國除老弱不任事者別有專院養
濟餘如瘠癯殘廢亦皆有學堂教成一藝俾贖其身比類以觀豈有為中國之子民慮 筆殺之重地當
需力方剛之會負官骸無闕之身轉可任其閒游蕩廢貧窘待盡者乎是非推廣工藝實力舉行不足以
矜民生而副 明詔相應請 旨飭下商戶二部會同順天府五城御史博採章程廣籌經費多立廠局
切實舉行專收無業之民咸令各習一藝如紡紗織布織席織帶刻字印書等事凡一切工藝皆可教令
學習專尚人工不藉機器恤其饑寒加之董勸少則一載多或三年藝成遣出使得挾其所業自營生計
仍將在廠時工作所獲餘利悉數發給俾充資本所遺空額再行收教未習者總期國無游民民無失業
庶幾膏養育於教訓化游惰為勤能而足民足國之謨亦或有俾於萬一 上諭御史夏敦復奏京師游
民太多請推廣工藝局廠一摺著商部戶部會同順天府議奏○甲子諭本年十月初十日恭逢 慈禧
端佑康頤昭豫莊誠壽恭欽獻崇熙皇太后七旬萬壽京外實任大員老親有年逾七十者承歡祿養愛
日方長允宜錫類推恩優加賞賚外務部尚書步軍統領那桐之母李氏著賞給御書匾額一面紫犢三

鑲玉如意一柄大卷江綢袍褂料二疋大卷八絲緞袍褂料二疋兵部尚書徐會澧之母管氏著賞給御書匾額一面紫檀三鑲玉如意一柄大卷江綢袍褂料二疋大卷八絲緞袍褂料二疋盛京將軍增祺之母瓜爾佳氏著賞給御書匾額一面紫檀三鑲玉如意一柄大卷江綢袍褂料二疋大卷八絲緞袍褂料二疋正紅旗蒙古都統吏部右侍郎繼祿之母尹氏著賞給御書匾額一面紫檀三鑲玉如意一柄大卷江綢袍褂料二疋大卷八絲緞袍褂料二疋正白旗蒙古副都統誠全之母郭氏著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件浙江巡撫嚴綬之母張氏著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件浙江乍浦副都統柏梁之母楊氏著賞給御書匾額一面紫檀三鑲玉如意一柄小卷江綢袍褂料二件小卷八絲緞袍褂料二件副都統銜西寧辦事大臣準良之父恩元著賞給御書匾額一面紫檀三鑲玉如意一柄小卷江綢袍褂料二件以示教孝作忠之至意○予四川洪雅縣烈婦王黎氏旌表○乙丑祭 關帝廟 上親詣行禮○丙寅山東利津縣北岸王莊漫口合龍○戊辰 上詣 奉先殿 壽皇殿行禮○己巳商部奏臣部於上年七月間奏定章程摺內聲明擬設學堂酌量情形隨時奏明辦理又十一月間管學大臣張百熙等會奏請重訂學堂章程一摺內開國計民生莫要於農工

商實業興辦實業學堂有自利而無一弊最宜注重農工商實業各學堂章程及通則先後奏明奉旨允准欽遵在案查農工商務皆係一部母職而尤以製造實業為切要之圖也等伏念泰西各國殫精竭思競以商戰角勝日臻富強而察其致此之由則一出於製造之學中國不少聰明才智之士祇以風氣未開機器製造等事大率延用西人而中國人才益形乏絕今欲振勵才能精求實學應先從設立學堂下手學堂之設以考求實用能奪西人所長為主實學之門類凡十曰算學曰化學曰機器學曰汽機學曰電學曰水學曰光學曰地學曰礦學其最有關製造能開利源者為化電機器礦四門餘皆相助為用不可缺一現正延訪品學兼優之士充當學堂教習並選派留習西學京令先赴日本購辦各項儀器就地實加考驗運回應用一面調取舊籍俟粗具規模即行招考學生入堂肄業惟是臣部款項支絀所有學堂開辦一切經費擬由上年礦路總局移交候補京堂張振勳報効學堂經費款內動支常年開支款項必須銀數萬兩之譜一時未易籌集當經臣等咨商學務大臣酌量撥助旋准撥補擬俟開學後每年撥助銀二萬兩歸入奏銷支款惟大學分科必須開辦屆時此項撥款尚須另籌辦法等因此項常年經費目前既經學務大臣咨撥銀二萬兩其不敷之款臣等仍當設法籌給以期上副國家培植人才之至意得旨允行○庚午諭軍機大臣等有人奏健銳營翼長海昌罔上行

私侵公肥已各節發世續按照所參各節確查具奏毋稍徇隱原摺著鈔給閱看將此諭令知之○辛未諭軍機大臣等李經羲電奏請飭江寧局撥給一磅過山快礮十尊空實心彈每礮各五十節哈乞開鎗一千枝並彈六十萬顆等語著魏光燾即行撥給○壬申兩○命翰林院編修吳士鑑仍在 南書房行走○以山東利津縣黃河漫口合龍予道員朱式泉等升敘有差○戶部奏雲貴總督丁振鐸等奏滇越鐵路購地設兵需費甚鉅請指撥的款一摺光緒三十年正月二十四日奉 硃批該部議奏欽此欽遵新現河一帶開修小路建造棧廠醫院因原約有備地之議不能不挪款購買今該公司又將路綫改由南溪河以達蒙自而蒙自以上則改由彌勒宜良一路抵省所有紅河新現河等處前購地段大半作廢然公家已向民間購買勢難退地追償况數年以來所派會勘員紳護送弁兵薪餉夫馬各項開支爲數已屬不少前因購地需費奉部指撥江漢關稅及四成藥益共銀二十萬兩除提還前墊款項及現在開支外所餘無幾雖章程內載明公司每月給津貼四千四百五十兩核計尙不敷各段委員紳董薪水夫馬之用懇 恩飭部指撥的款一百萬兩解滇以濟急需等語 臣等伏查滇越鐵路中法合辦本屬不得已之舉第原約既有備地之議勢不能不籌款購置前經 臣部先後奏撥銀二十萬兩解滇在案茲據雲

實總督等奏請指撥的款一百萬兩解黔等因自應酌量籌撥俾資應用但雲南地處邊徼既未易就地設籌而各省又皆為洋債所窘無不支絀萬分無論百萬之數急切無可搜羅即先撥四五十萬兩亦須多方湊集此項鐵路自河口至省千有餘里斷非同時並舉路工既係逐漸興修地段即應逐漸購置茲查江蘇本年應解船廠經費銀兩除照案撥還克陸款外於餘銀內提銀十萬兩又各省減撥常年協濟甘肅新餉臣部於上年釐准自光緒三十年起內有四川省七萬兩除已提四萬兩撥作雲南銅本外尚餘三萬兩內提一萬兩又撥河南省五萬兩湖北省三萬兩閩海關一萬兩共銀十萬兩應請旨飭下各該將軍督撫迅速如數解滇再查上年十二月間兩江總督魏光燾奏整頓鹽務較有起色摺內陳明計課釐加價等項年內或可增至百萬兩內外臣部行令將增收之款除酌量撥補釐金外儘數報部候撥茲擬先提銀三十萬兩該督前在雲貴總督任內曾以中法合辦鐵路需費孔急關繫極大中外當同任其難以指撥的款為請是該督固久悉該省購地之難緩籌款之不易今南鹽增收之款既係由該督整頓而滇省購地所需亦早為該督所深知自當不分畛域顧全大局並請飭下兩江總督趕緊照數解滇勿稍延欠以上共撥銀五十萬兩專備購地之用至原奏所稱紅河新現河等處前購地段大半作廢然公家已向民間購買勢難退地追價及章程內載明公司每月給津貼銀四千四百五十兩尚不敷

各段委員紳董薪水夫馬之用各節查前所購之地原係山場田土現因改道不用縱難概行退地追償但既向民間購買仍可向民間售賣何難收回原價至公司每月應給津貼四千四百五十兩爲數已屬不少無論各段紳董卽保護弁兵所有經費一切薪餉夫馬等項均應按月專就此款開支不得挪用定價絲毫應令該督等查照辦理如鐵路開工有期卽將實應購地若干共需價銀若干詳細報部以憑核辦得旨如所議行○癸酉端方奏光緒二十八年十月間本任湖廣督臣張之洞會同奴才將湖北省設立文武實業各學堂籌辦事宜分別學等學門學規學期學額學師學地學費等條詳晰奏明分投興辦在案奴才兼署督篆以來卽專以興辦學堂攷求推廣爲事計自二十八年十一月起三十年正月止凡前摺所舉之師範學五路高等小學文普通中學武普通中學文高等學武高等學防營將弁學方音學農學兼勸成學堂仕學院等處均已次第修整學舍招考學生一律開學惟工藝學堂糊建伊始尙未完工是以未能開辦此外由奴才酌量添設者如幼穉園則聘請日本女師爲保姆以教五歲至九歲之幼童初等小學堂則就省城城關內外分設六十所以教十歲以上之幼童道府師範學堂一時未能設齊亦兼收外府生員以備各地方中小學堂教習管理之用荊州襄陽各府設師範學堂一區漢陽府有師範學堂並設模範小學堂於漢陽夏口兩處以備外府州縣取法之資南省中學堂則因湘省來學

之士無所歸宿專設以教湘人子弟又創立圖書館一所專成古今中外有用書籍圖畫之屬以備學者
瀏覽均經陸續增設先後開辦其學堂工程惟文武高等學堂早經修築武普通中學堂農務學堂工藝
學堂幼穉園四處皆係度地新建其餘有就原有之學堂書院考棚稍加修改者亦有就地方祠堂公所
廟宇量地增設者修建之區規制必求合法增設之處布置惟取足容其學堂經費則除原議所有常年
的款及在籍提督劉維楨報効一欸外不敷甚鉅前據所舉各學堂常年經費本不能皆有的欸可指開
辦之始若齋舍牀帳講堂書器學生官服百度更新同時並舉財力尤有不贖現就鹽斤要政加價及銅
幣局盈餘兩欸項下撥用極慮不敷其增設之區惟幼穉園經費取之公家如初等小學堂則由奴才倡
率司道捐欸公設道府師範學堂由各該道府捐設南省中學堂由湘省發商籌設未能輒助公欸可省
者不敢濫支分毫應用者亦不敢過事苟簡至學堂所聘之監督教習管理各員皆求宗旨止大學問優
長者充之從前鄂中游學卒業各生因其造詣深淺派充教員以資鼓舞大抵興辦學堂不外以上數端
現已各有頭緒粗具規模其間隨同奴才經理始終其事者以武昌府知府梁鼎芬之力為多該員學識
闊達任事實心雖在鄂中書院主講有年此次興辦學務尤視為切要之圖遇事考求不辭勞瘁故能於
一年之中畢舉諸務奴才既賞其贊助士子亦均感服近日中外教育家往往因過鄂看視學堂半皆許

爲完備比較別省所立未有逾於此者此湖北省籌建學堂次第開學之實在情形也伏念中國積弱已非一日惟賴盡人知學始克養成智力與外洋競存取勝近年屢奉諭旨均以興學育才爲急奴才仰體聖懷伏察時變所爲日夜孜孜惟恐不及鄂省風氣開通在先各學堂亦租有基址一切興辦較易爲力惟款項太絀尙未能得心應手而熟審緩急之宜深權得失之數斷不敢因惜小費致誤成材倘能由此擴充數年之間必可辦有成效以期仰副聖主乘時作育之至意下學務大臣知之○乙亥上詣先農壇行耕藉禮○己卯以吳元愷爲浙江定海鎮總兵

三月庚辰朔上御乾清宮德使臣繼默帶領水師提督普雷斯覲見○諭軍機大臣等商部奏據在籍翰林院修撰張謇條陳鹽業公司辦法擬變通鹽法設廠造鹽一切煎法運法銷法由公司稟請鹽政立案等語兩准鹽課爲帑項大宗關繫重要著魏光燾督飭運司將所陳各節妥籌議奏○諭商部奏江蘇在籍紳士創設商業公司卓著成效請破格獎勵作爲商部顧問官一摺翰林院修撰張謇著賞加三品銜作爲商部顧問官○辛巳上奉慈禧端佑康頤昭豫莊誠壽恭欽獻崇熙皇太后幸頤和園駐蹕○諭軍機大臣等戶部撥發袁世凱密陳籌防情形一摺覽奏具悉現在時局艱危非多練得力勁兵無以爲固圉安民之計迭經降旨通飭認真籌款以備餉需茲據戶部奏籌議十條皆係就公家固

有之正供興利除弊果能切實整頓自不難湊集巨款急應再行嚴飭趕緊籌辦總之今日財用窘乏內
外同一為難全恃各省不分畛域深維練兵為探本之計合力通籌庶幾眾舉易舉朝廷懽懷赤子搜括
病民之政斷不准行若別除官吏中飽並非格外加徵何得因循不力自此大訓諭之後該將軍督撫飭
卽破除情面悉心釐剔不憚煩難實力督飭期於餉源日有起色部議各條之外各省所辦諸事有虛糜
款項可從裁損者並請核實節流移緩就急至戶部所稱各省常備等軍原備徵調且均有現餉等語著
袁世凱體察情形一併酌核辦理其各同心戮力共濟艱難以副宵旰憂勞諄勤誥誡之至意將此通諭
知之○諭軍機大臣等有人奏參安徽知縣周榮期先後署理貴池縣事種種貪劣情形請旨飭
查一摺著該部按照所參各款確查具奏毋稍徇隱原摺著鈔給閱看將此諭令知之○蔣式理奏本年
二月十三日戶部請設立銀行成本四百萬金戶部任籌其半下餘二百萬金招商入股月息六釐業經
奉旨依議在案○維銀行之設所以杜漏卮而裕利源苟用得其人成效可以立觀惟中國歷來情形
官商本相隔閡自咸豐年間舉行鈔票近年舉辦昭信股票鮮克有終未能取信於天下商民愈涉疑懼
一聞官辦動輒感頹視為畏途戶部堂官尚能悉心籌畫尚書鹿傳霖對眾宣言擬首先入股以為之倡
而外間聚訟議論仍復徘徊觀望不肯踴躍爭先鹿傳霖平日於操守二字尚知講求卽令將廉俸所入

悉以充爲數亦復有限。風聞上年十一月二十二日俄日宣戰消息已通慶親王奕劻知華俄銀行與日本正金銀行之不足恃乃將私產一百二十萬金送往東交長巷英商匯豐銀行存放該銀行明其來意多方刁難數四往返始允收存月息僅給二釐鬼鬼崇崇情殊可憫該親王自 簡授軍機大臣以來緇大不捐門庭如市上年九月間經 具摺奏參在案無如該親王曾不自返但囑外官來謁一律免見聊以掩一時之耳目而仍不改其故常是以伊父子起居飲食車馬衣服異常揮霍不計外尚能儲此鉅款萬一我 皇上赫然震怒 嚴請其所自來 固知該親王必決背汗流莫能置對準請 聖天子刑賞之大機實以報効贖罪或沒入贓罰庫以懲貪墨亦未爲過而 聖切寬仁厚澤 諒屬慈親若必爲此已甚之舉亦非臣子所願聞也應請於 召見該親王時 命將此款由匯豐銀行提出撥交官立銀行入股俾成本易集可迅速開辦而月息二釐之款遠增爲六釐於該親王私產亦大有利益將使天下商民聞之必衆口一辭曰慶親王尙肯入此鉅款吾儕小人何所疑懼行見爭先恐後踴躍從事可以不日觀其成矣 上諭軍機大臣等御史蔣式瑗奏官立銀行請飭親貴大臣入股以資表率一摺據稱匯豐銀行慶親王奕劻有存放私款等語著派清銳鹿傳霖帶同該御史卽日前往該銀行確查具奏○癸未清銳等奏本月初二日承准軍機大臣交到 諭旨御史蔣式瑗奏官立銀行請飭親貴大臣入

股以資表率一摺據稱匯豐銀行慶親王奕劻有存放私款等語著派清銳鹿傳霖帶同該御史即日前往該銀行確查具奏欽此遵卽到署傳知御史將式理一同前往匯豐銀行適值是日禮拜該行無人復於初三未刻再往會晤該行管事洋人熙禮爾及買辦楊紹渥先藉查考銀行章程爲詞徐詢匯兌及存款各事追問至中國官場有無向該行存款生息彼答以銀行向規何人存款不准告人復詢以與慶親王有無往來彼答以慶親王則未經見過詢其帳目則謂華洋字各一分從不准以承人語之該御史所陳何據則稱得之傳聞言官例准風聞言事是以不揣冒昧上陳請將確查情形據實繕摺陳 上諭前據御史將式理奏慶親王奕劻有存放匯豐銀行私款當經派令清銳鹿傳霖帶同該御史前往該銀行確查具奏茲據覆奏稱該銀行往來帳目不以示人詢以慶親王有無往來據稱未經見過詰之該御史所陳何據則稱得之傳聞言官例准風聞言事是以冒昧上陳等語言官奏參事件自應據實直陳何得以毫無根據之詞率臆陳奏况情事重大名節攸關豈容任意污蔑該御史著回原衙門行走姑示薄懲嗣後凡有言事之責者務當一秉至公殫心獻納如有應行彈劾者仍著據實糾參以副朝廷廣開言路實事求是之至意○甲申諭岑春煊奏特參不職之鎮道等員各摺片廣西管帶威宇營署柳慶鎮總兵楊發貴所部勇丁挾鎗逃潰平日既未能認真鈐束事後又不迅速追緝著革職永不敘用調署太平

思順道本任右江道易順鼎自便私圖不顧大局著卽行革職代理象州知州候選通判周朋壽遇事苛罰妄拿無辜辦匪恒怯肆行虐民著革職發往軍臺効力贖罪貴州都勻協副將張興國派赴象州剿匪於匪攻寺村擁兵不救並膠混領餉縱勇搶殺著革職永不効用並不准投効他省軍營以示懲儆餘著照所議辦理該部知道○廣西提督劉光才緣事解任以丁槐署廣西提督○乙酉諭錫良奏特參哨弁缺額扣餉請旨懲辦等語四川安定營船哨弁候補守備萬洪林缺額多名侵蝕餉銀並在汛地販賣贖屬有干軍紀萬洪林著卽行革職監追所吞餉項俟繳清後發往新疆充當苦差候補遊擊張玉春雖未從餉入己惟報繳截贖意在弊混著一併革職以肅戎行該部知道○諭前據御史王乃徵奏參川省貧盜州縣請飭查辦當經諭令錫良確查茲據查明覆奏威遠縣知縣徐樹旣據查無劣跡卽著免其置議馬邊廳同知陳在廉庸暗無能任丁舞弊前署羅江縣知縣本任營山縣知縣翁在明昏瞶糊塗玩視民命均著卽行革職以肅吏治餘著照所議辦理該部知道○諭軍機大臣等有人奏前直隸天津縣知縣章壽遵化州知州陳以培貪劣各款請飭查辦等語著徐曾滄按照所參各節嚴密查辦據實覆奏毋稍徇隱原片著鈔給閱看將此諭令知之○以吳祥達爲廣東高州鎮總兵○丁亥以沈大鼐爲山東兗州鎮總兵○戊子以孫多慶爲浙江海門鎮總兵○己丑外務部奏光緒二十五年前出使俄國大臣楊

儒奉 命前赴荷蘭都城保和公會與各國使臣會議條約奏請擇款畫押當經總理衙門先後遵旨查明議奏除陸地戰例條約毋庸畫押外一曰和解公斷條約一曰推廣日來弗原議行之於水戰條約一曰聲明文件禁用各項猛力軍火以上三款均查無窒礙請准從眾畫押等因於是年十一月初五日奉 硃批依議欽此欽遵電知該大臣畫押在案各國使臣於畫押之後均由其本國批准知照荷蘭政府中國以二十六年適有事變未及請 旨辦理等因伏查保和會所載推廣日來弗原議行之於水戰一條泰西名為紅十字會創於同治三年各國在瑞士日來弗都城公立陸戰條約後又推之於水戰救病扶傷為環球善舉現值日俄事起戰地居民流離堪憫本年二月十二日御史夏敦復奏請查照西例設紅十字會等語奉 旨外務部知道欽此迭經臣部會同商部電致上海紳黨籌辦旋據電覆已議成中法英德美五國合辦上海萬國紅十字會各舉總董分籌款項惟須轉商日俄兩國政府並須知照瑞士總會方能承認等情臣等當即電知駐日本使臣楊樞駐俄使臣胡惟德切商兩國外部尙未定議適接瑞士總會來函以中國應補畫陸戰原約為請臣等以瑞士未經訂約之國擬由駐英使臣張德彝照會瑞士駐英公使作為入會之據張德彝電稱瑞士政府以該大臣辦理此事務須素有補畫該約之全權 敕諭方能照辦等語臣等查中國與各國訂約 頒給使臣全權字樣歷經遵辦在案此次補畫

瑞士紅十字會原約自應奏請 頒給以昭慎重謹擬 敕諭一道繕具清單恭呈 御覽伏候 命下

臣等卽行恭繕請用 御寶發交駐英使臣張德彝遵照辦理至保和會業經畫押之和解公斷條約推

廣日來弗原讓行之於水戰條約及聲明文件禁用猛力軍火各款應一併請 旨批准由臣部咨行駐

俄使臣胡惟德知照荷蘭政府以符前案得 旨如所議行○外務部奏臣部於上年八月初二日接准

比國使臣姚士登照稱西歷一千九百零五年四月卽華歷光緒三十一年三月在本國黎業斯地方舉

行萬國各種賽會今奉本國大君主之命恭請貴國派員親到本國入會贊助盛舉並願商民前往賽會

同沾利益等情當由臣部覆以屆時當奏明辦理並咨行商部暨稅務司在案茲復接准駐紮比

國大臣楊兆璽函稱比國黎業斯地方賽會一事現法義等國已向該會訂定地段我華如有商人入會

須計人數之多寡預定地段之尺寸惟估定基地會章以本年三月底截止尙盼早日請 旨派員蒞比

俾商人呈報有所憑藉等語臣等查賽會之舉外洋視爲至重原以振興商務亦以聯絡邦交此次比國

黎業斯地方舉行賽會由該使臣奉其君主之命恭請入會未便堅卻應請 簡派大臣屆期前往如蒙

俞允恭候 命下卽由臣部咨行該大臣暨商部分別辦理得 旨著派楊兆璽屆期前往○庚寅諭

軍機大臣等有人奏江蘇候補道俞啟元鈞申謀差徇徇爲奸等語著恩壽按照所參各節確查具奏毋

稍徇隱原片著鈔給閱將此諭令知之○升允交延安府屬富條梁一帶地方遠在邊疆毗連蒙部向有教堂數處初其相安庚子年間津沽變起陝邊蒙部亦因與教堂不和已飭委員議結奏明在案該處莠民以爲蒙教從此有隙而蒙教又多不明事理藉端煽惑遂其幸災樂禍之私上年閏月有定邊客民任漢隴卽任天緒託名化緣到處游揚因與靖邊縣民耿作張彪熟識起意作亂自署僞官以仇教爲詞肆行誘惑有王木匠郭木匠高士英許性等聽從入夥任漢隴復僞造信印文件私作旗幟號衣分送蒙人約期會兵舉事十月中旬有靖邊縣民原大受耿作之僱送旗幟號衣於蒙民扎拉呼齊家內經扎拉呼齊將原大緝獻教堂轉解定邊縣收審維時署定邊縣李志高已將任漢隴卽任天緒緝獲署靖邊縣知縣羅柏齡已將耿作緝獲復由延榆綏鎮訪獲高士英一名送縣歸案奴才當因案情重大飭府提犯督審又念前次蒙教釀釁頗重調停覆轍相尋不能不懲前倣後該蒙部向歸理藩院節制因咨請轉飭約束以杜弊端本年正月下旬據延安府知府劉樹德稟提犯到府督同訊供不諱起獲旗幟號衣馬封僞文等件查驗屬實確係甘心造亂逆跡昭然自未便稍稽顯戮由奴才批令將任漢隴卽任天緒耿作高士英三犯就地正法傳首示衆原大一犯不過受僱寄送不法物件并無勦糾實跡係屬鄉愚無知應實其死發縣鎖繫巨石五年仍勒拿在逃之從犯張彪等務獲究辦此奴才現在辦理之實在情形也

二月初七日接外務部電法呂使據西蒙古教堂函稱目下寧條梁一帶常有仇教匪股匪首三人一曰番人等寂哈爾布魯二曰台吉色爾固楞三曰章京阿爾克達魯噶圖們倚恃理屬鄂爾多斯盟旗暗助等語電令就近查明嚴禁並切實彈壓保護等因奴才查法使所稱仇教匪股自係指任漢隴一案而言現既予以駢誅足昭炯戒邇來未據該府縣稟另有仇教之事但既准來電指名蒙部姓名自應仍飭榆林道延安府確查具覆有則防維加密藉杜亂源無亦保護認真免生枝節以仰副 朝廷懷柔遠人之至意至陝邊蒙教不和之案甫屆四年已經兩見前既勢成決裂今亦曠有煩言曲突徙薪宜思其故而欲絕莠民之跡先在啟蒙人之蔽聞烏審貝子現充敷長其人質性剛弱羣下弄權招集客民私放牧地若不設法禁止誠恐再釀禍階應請 旨飭下理藩院嚴諭該烏審貝子痛改前非抑或另放盟長之處非奴才所敢擅擬下外務部理藩院知之○調免廣西崇善等州縣錢糧○癸巳兩○丁酉諭軍機大臣等有人奏陝西鹽政官運害鉅利微亟宜停止另籌辦法又奏陝西鹽政官運橫徵暴斂疆臣朦蔽職徇及文武各劣員釀成重案擅殺無辜請派員查辦各一摺鹽政為籌餉大宗所定章程必須利國而不病民方可推行無弊著督按所陳各節確切查明妥議覆奏原摺均著鈔給閱看將此諭令知之○諭軍機大臣等有人奏參東土默特旗蒙古貝勒色凌那木濟旺寶賚殘嗜殺等語著增祺松壽按照所指

各節確切查明具奏毋稍徇隱原片著鈔給閱看將此諭旨知之○戊戌袁世凱等奏臣覆於光緒二十九年八月二十日承准外務部鈔咨議商約大臣呂海寰條奏近今要務摺內廣闢商場一條令由各省督撫通飭所屬詳細查勘如有形勢扼要商賈薈萃可以自開通商口岸之處隨時奏明請旨開辦一摺奏奉 硃批依議欽此欽遵咨行到東當經通飭所屬詳細查勘茲據山東甯道查明具覆前來由臣覆與臣世凱往返函商詳加察核查得山東沿海通商口岸向祇煙臺一處自光緒二十四年德國議租膠澳以後青島建築碼頭興造鐵路現已通至濟南省城轉瞬開辦津鎮鐵路將與膠濟之路相接濟南本爲黃河小清河碼頭現在又爲兩路樞紐地勢扼要商貨轉輸較爲便利亟應援照直隸秦王島福建三都澳湖南岳州開埠成案在於濟南城外自開通商口岸以期中外商民咸受利益至省城迤東之濰縣及長山縣所屬之周村皆爲商賈薈萃之區該兩處又爲膠濟鐵路必經之道膠關進口洋貨濟南出口土貨必皆經由於此擬將濰縣周村一併開作商埠作爲濟南分關更於商情稱便統歸濟南商埠案內辦理相應請旨敕下外務部核議具奏俟議准後先行照會各國駐京使臣查照再由臣等將劃界設關及一切應辦事宜督飭山東甯道並東海關膠海關各監督稅司等妥議章程酌定開辦日期分別奏咨辦理下外務部議奏○柯達時奏臣前奏粵西匪勢蔓延非撥給各州縣親兵不足以自衛奉

旨允准在案當飭督後局營務處司道核議通省十五府屬州其駐有重兵各屬從緩另議餘六十四州縣按地方大小緩急均酌給親兵年前一律照額募齊本年正月起餉以知府屬州爲統領以州縣爲管帶通計統領管帶哨弁兵夫八千餘名各薪餉月需銀二萬八千兩有奇其有匪黨尙多暫行增給者不在此數計購德國九連珠毛瑟後膛步鎗六千一百枝配彈六十一萬顆合規銀六萬二千餘兩又准署督臣岑煊撥解十一鎊毛瑟鎗二千枝彈六十萬顆並將本省原存舊式鎗碼配搭勻給現在綠營已撤各屬看守倉庫啟閉城門及護餉解犯決不能少俟匪氛既靖防營漸減應將各府屬州縣親兵酌量裁撤臣復通飭各屬選擇正紳極力整頓鄉團並撥厝捐燈捐以資經費令各團輪挑壯丁若干按月訓練三月一換俾成勁旅又前署提督丁槐前在龍州勸辦礮堡頗著成效現飭各屬相度地勢妥爲籌辦並刻礮堡圖說刷印通行諄諄勸諭民情極爲踴躍築成以後利用火器防守已商請督臣飭令東局鑄造土礮據鎗配定價值由各州縣備文購給仍於省城設立團練總局爲紳士會議之所務期官民一氣紳商一心衆志成城足以靖內奸而禦外侮下所司知之○庚子 上諭 奉先殿 壽皇殿行禮○遼頤和園○柯逢時奏廣西萬山迥互三江爲之灌輸一由湖南零陵縣入廣西全州境歷桂林平樂等府而下者爲灘江一由鎮南關外入境歷太平南寧潯州等府而下者爲左江中有支河經百色屬而入

瀕境一由黔粵交界合流歷慶遠柳州潯州等府而下者爲右江皆總匯於梧州大河以達廣東合甯三江水程約三千餘里雲貴楚粵商賈貨船往來絡繹沿河多荒山窮谷密菁深林實爲萑苻之藪光緒初年始設水師五軍嗣因餉項支絀併爲三營於是盜賊橫行巨案迭出前撫臣王之春歲三營添募勇丁計巡船一百四十號弁勇一千三百餘名布置仍苦難周薪餉亦嫌太薄不肯員弁暗中侵蝕往往臨時招募疲弱充數甚至與匪潛通接濟軍火向串劫掠無所不至臣到任體察情形河道梗塞非特商賈裹足稅課無徵而轉運阻滯於軍務大有關係當飭營務處司道悉心籌議添造新船增加勇額仍復五軍制擬按水路之短長定師船之多寡劃分地段各專責成自桂林府至平樂府屬昭平縣之馬江止爲中軍汛地派統領一員管帶官三員撥巡船四十號有水勇五百名又自昭平馬江起經梧州府屬蒼梧縣至潯州府屬平南縣止爲前軍汛地派統領管帶官各一員撥巡船二十號有水勇二百五十二名又自平南縣經貴縣至南寧府屬橫州之大灘止爲左軍汛地派統領一員管帶官二員撥巡船三十號有水勇三百七十六名又自慶遠柳州兩府屬河道上接黔疆下至潯州府屬武宣縣止爲右軍汛地派統領一員管帶官三員撥車扒四艘巡船三十六號有水勇五百三十六名又自南寧白色等府屬河面爲後軍汛地派統領一員管帶官二員撥車扒八艘巡船二十號有水勇四百二十四名以上共船一百五十

八號統領管帶十六員勇丁二千零八十八名每船配給鎗礮利器藉資防捕船之朽壞者一律更新各船勇丁悉年力強壯身家清白取有族鄰保結始准應募並重給薪糧嚴定賞罰令常川住船勤加操練緝捕盜賊保護行商向有船長頂脚名色悉數革除甜委統領管帶不能得力之員弁大半撤差更換數月以來河道疏通尚無劫案與陸軍相為聯絡並飭沿河各州縣督率練兵互為聲援因之時有弋獲而各匪接濟之路亦窮凡有關軍務稅餉緊要公文責令依限遞送以期迅速而便梭巡仍不時派員查察以免日久生懈下部知之○辛丑諭軍機大臣等有人奏山西榮河縣知縣魏元熙賈賄營私冒請公款任用劣紳荼毒地方請旨懲處一摺著張曾敎按照所參各節確查具奏毋稍徇隱原摺著鈔給閱看將此諭令知之○諭前據給事中展慶奏參健銳營翼長海昌侵公肥己各節當經諭令世續確查茲據查明覆奏翼長海昌尚無冒領鉅款朋分肥己實據惟該員為全營表率應如何謹慎當差乃竟專擅冒濫不知連嫌實屬有忝厥職海昌著交部議處章京榮山成秀業已撤差著交該管王大臣隨時查看如不稱職卽行參處該衙門知道○癸卯諭工巡局奏職官扭控官錄取親供請旨辦理一摺事關官官被控親持摺底到門索賄應行澈究著交刑部澈底嚴究務得實情按律定擬御史攀桂著先行解任歸案參領高靈著磨候傳質本日攀桂尚具摺奏參高靈尤屬糜爛大原摺著傳還○甲辰趙爾巽奏中英

商約第八款第十二節中日商約第十款均載有湖南長沙開作通商口岸之文當由奴才咨商外務部預籌辦法旋准日本駐漢口領事永瀧久吉來湘面稱奉本國政府訓條前來勘量地勢並稱商約內開批准互換六箇月後即將長沙開設通商口岸等因照會前來奴才查開設口岸一事既經約有明文必須先事綢繆乃免臨時竭蹶是以去冬十一月卽電咨外務部飭總稅務司轉飭岳州稅務司夏立士來省履勘界址擬訂章程先行布置此次日本領事來湘商辦界務已言明凡租界內工程巡捕一切管理事宜悉由我自行辦理日領事並允卽在稅司所定界址之內分段租認不再另索專界蓋長沙雖係約開口岸而詳釋原約工程巡捕可由華官自辦必須布置得法因應咸宜使各國商人皆願就我範圍方足以保主權而敦睦誼此奴才籌辦大略情形也惟是長沙水陸交衝商務四集此次稅司勘定界址東起湘江西岸西抵鐵路界邊南至北門城河北訖瀏澗河沿地勢頗寬以較岳州加增不止十倍一切布置不便過形簡陋致外洋噴有煩言造端較大則需費自鉅當飭洋務局司道將工程等項詳細覈實估計效據詳稱界址廣闊經費甚繁止得就至簡之數逐項估計如築路一項北門外湘春街起至新開河止稅司指定此段路工最關緊要目下卽須修培惟地勢高下或數尺或丈餘一律填平核計土方約二十餘萬需費七八萬兩再加直長馬路一條橫長馬路三條工料非四五萬兩不辦而湘春街以東新開

河以北之地段尙不與焉如駁岸碼頭一項沿江地勢極低水漲輒至淹溢非一律修築駁岸不足以固
界基而風浪激衝工料須異常堅緻並須建築大碼頭及驗貨碼頭驗貨廠此項工費至少須八九萬兩
而建設橋關修濬溝渠諸費尙不與焉如購地一項查岳關辦法凡租界地方均係官爲收買再行租給
洋商以免私相授受致滋流弊擬卽仿照辦理但財力艱窘礙難一概收買惟就緊要地方先行擇購以
備洋商租用並預留自用地段約略計之已需五六萬兩而將來購買之款及移徙房屋遷移墳墓之費
尙不與焉如關局公所一項查建造新關稅司公館理船廠住所驗貨鈴字扞手各租寓所前經稅
司估計時價聲明需費六萬兩而工部局巡捕局洋務分局會審公堂電報分局及稅司所請西商分花
園地址等尙不與焉又如工程巡捕既由自辦擬暫聘西員管理一面籌設警務學堂學習各項章程並
英法語言每年需費亦三四萬兩以上各端再從估計之中力從省儉至少先須籌撥三十萬兩方敷開
辦等情詳請奏咨前來奴才親加履勘分端考查所請三十萬兩之數實已難於再減目下湘省攤款過
鉅又以廣西毗連匪事未靖協濟軍餉籌辦邊防日不暇給庫款既絀民力亦窮際此要需徒嗟仰屋惟
有仰懇 天恩敕下戶部指撥的款三十萬兩以應開埠急需奴才自當就近督率稽查務飭在事各員
格外撙節實用實銷倘有不敷再行續請如能節省清滴撥還不使稍有糜費又查二十五年岳州開關

請撥經費由戶部指撥湖北鐵路官款十萬兩專任購存典款項五萬兩嗣鄂款既提撥無著任購款
又親友寄存中多輕輻均無實濟卒至竭蹶挪移至今時閱五年駁岸等工零星建設迄未竣事惟岳關
上扼宜昌下截江漢商務本不狹多又係自開口岸雖因陋就簡外人尙難爲越俎之謀長沙爲商約指
開東西各國爭先注意倘辦理苟簡必致藉口多端保目前自有之權卽以恢吳日無窮之利植基愈固
則收效彌宏此又奴才之過慮不敢不先事瀝陳而亦部臣所能共諒者也現在開埠事宜卽由洋務局
司道會同辦理俟布置周妥當設監督定期開關約計其時當不逾日本商約所開互換後六箇月之
期限下部議奏○丁未諭軍機大臣等有人奏浙江候補道許貞幹招搖貨精各款當飭查辦等語著李
興銳按照所參各節確切查明據實覆奏毋稍徇隱另片奏杭州通益公紗廠撥有官本巨款欠繳息銀
前任撫藩摺批請免請飭查追等語著該藩督一併澈查具奏原摺片著鈔給閱看將此諭令知之○出
使英國大臣張德彝與英國外部大臣瀚斯增會商保工條約十五款成其文曰茲以咸豐十年九月十
一口中英兩國在北京蓋印畫押之續增條約第五款載云凡中國子民願在英國各屬或外洋別地承
工者 大清國 大皇帝准其按照兩國議訂之保工章程與英民立約爲憑無論單身或攜帶家屬一
併前赴通商各口下英船放洋又以該項保工章程迄今尙未訂立 大清國 大皇帝特派記名副都

統出使英國大臣張德彝大英國大君主兼五印度暨四海諸轄境大皇帝特派外部大臣侯爵瀚斯璠各將所奉便宜行事之上諭互相校閱均臻妥善現將商定條款開列於左 第一款 按照上開之中英續增條約第五款所載其應議之保工章程所載既須籠統不得專指一處現兩國訂明自後凡英屬各處或歸英保護之地如須招用立約為憑之華工當隨時即由英國駐京欽差大臣將該英屬或歸英保護之地之名以及將來招載華工出洋之通商口岸招雇條款擬給之工價一一照會中國政府中國政府當毋須別項照會立飭指明之通商口岸之地方官竭力設法俾招工事宜得以迅速辦理每英屬或歸英保護之地前來招工止須按照本款所言照請一次若該英屬或歸英保護之地照請在某通商口岸招工後停招至三年者則再來招時當另行照會 第二款 通商口岸之關道接奉上開之飭文後當即委派一員名曰稽查保工事宜委員會同該口英國領事官員或其委派之員將華工須行查押之合同及一切細情凡關涉該工前赴之地方之情形該處之法律而稽查保工事宜委員以為該華工所不可不知者一一出示曉諭並刊入報章以便周知 第三款 下列各款內所稱之招工所及一切須用之房屋應在何處暨如何設立之處均由該口之英國領事官員或其委派之員與稽查保工事宜委員商辦該所及房屋等或建造或改造俾得辦理招運華工事宜費用均由英國國家支給所中須

備有房屋以便稽查保工事宜委員等任內辦公 第四款 一員在招工所衆目易見之地尤須在該所中所辦之接收華工處黏貼招雇華工合同條款漢英文配齊如托雇華工之美屬或歸英保護之地曾頒有招工則例該則例亦一律貼示二須備有名册一本凡應招華工之姓氏均須一一登錄漢英文配齊其應招之華工若年未及二十者非具有該工父母或平日照料該工之人准其應招之憑據不得註名於册應招之華工於按照中法將合同簽押後非領有稽查保工事宜委員之准單並有英領事官員或其委派之員之花押則於上船之前不得擅離接收華工處其已稟准稽查保工事宜委員將名扣除不願奉行合同者當作別論三載工船開行之前各華工須由考有文憑之醫生詳細驗看該醫生由英國領事官員或其派委之員揀派應招之華工須在英領事官員或其委派之員及稽查保工事宜委員或其委派之員之前排列成行詳爲詢問以察合同中所載各節該工等是否明瞭 第五款 凡按照此約載運華工之船只准在中國通商口岸載運按照下黏之章程辦理該章程與本約一律奉行

第六款 大清國 大皇帝可以簡派領事官或副領事官前赴華工所至之英屬或歸英保護之地照料彼等利益安樂俾該工等及該處所有別色華民得以格外妥行保護該領事官或副領事官所享之利權與他國領事官所享者無異 第七款 凡按本約訂立之應招合同須將該工所住之地方之名

以及合同期限如該合同可以續訂其續訂條款若何每做工日之做工時刻招作何工工價幾何如何付給合同之中如載明該工及其家屬回華之船價由工主發給者則其往返船價並在英屬或歸英保護之地之時或在途時所需之醫費藥料俱由工主備給之處又口糧衣件並應得之別項利益等均須一一詳細載明如醫生等以某華工務須種痘則於該華工到接收華工處後即可施種如種而不發可在船再種此節亦可於合同內載明 第八款 該項合同須在稽查保工事宜委員或其委派之員及英國領事官員或其委派之員面前畫押其不能寫字畫押者可按中國通例簽押花押合同所載會否於畫押之前與該工詳細講明中英兩國政府惟各該員自問各工須給與合同稿一紙漢英文配齊該合同須俟該工上船後方可視為定而不易 第九款 凡華工前赴英屬或歸英保護之地須派一官員或多於一員其專責惟使華工遇有身家產業被傷之處可得前赴公堂伸訴毫無阻礙一與他人所享該地法律給與之保護無異不分種族 第十款 各華工在英屬或在歸英保護之地之時須享有與一切郵政利便俾得與本鄉通問寄銀至家 第十一款 如該華工及其眷屬等因合同期滿或因按例辦理之故或因疾病或因受傷而不合工作須載送回國者其回國之國字係指曩日該工登船放洋之通商口岸而言凡遇此項載送回國之案只可將該工實在送回本國不得付銀作抵 第十二款

現訂明工主不得以按照本約之合同所載謂可不與該工商允稟准中國領事官或副領事官擅將該工撥歸他主其有與該工商允稟准領事官撥歸他主者該工所有按照合同應得之利益不得因而稍減 第十三款 現訂明凡按照本約所招訂立合同之華工每招得一工須納費銀交付中國政府以充稽查招工事宜之需至稽查保工事宜委員及華工登船放洋之通商口岸之各地方官處均無須交納他費以上所開之費當於載工船具領紅單以前呈交海關銀號收存按照下開之數計算如招得之工人數不過一萬每人應抽費墨洋三元一萬以外每人抽費墨洋兩元惟此係指該項華工同在一通商口岸招運而前後招運之時又未逾十二箇月而言若其登船放洋之通商口岸不在一處而前後招運之時又逾於十二箇月則應繳之稽查費應照初次招工辦法交納 第十四款 此次所訂條款之漢英文字業經詳細校對將來於兩體文義如有爭執之處當以英文作為正義 第十五款 此次所訂條款即於畫押日奉行以四年為期期滿以後兩國如欲廢棄本約者無論何時均可先期十二月通知屆期即行作廢本約訂於英國倫敦共繕四分兩漢兩英由兩國大臣畫押蓋印以昭信守 附件一 為照會事按照中英兩國所訂招工條款之第六款載云 大清國 大皇帝可以簡派領事官或副領事官前赴華工所至之英屬或歸英保護之地照料彼等利益安樂俾該工等及該處所有別色居民

得以格外妥行保護該領事官或副領事官所享之利權與他國領事官所享者無異等語將來該項領事等官務擇練員充當該員須有籍隸中華僅供中國國家差遣凡該項官員選定以後當將該員姓名行知本國政府定其可否接待本國政府以此各節極關緊要用特具文詢問貴政府能否允從如蒙允可見示所有此次往來照會應即附於所訂條款之末以爲此業經議妥之據爲此照會貴大臣查核覈覆須至照會者 附件二 爲照覆事按照中英兩國所訂之招工條款第六款所載應行簡派之領事官或副領事官務擇練員充當此事本國政府亦以爲極關緊要與貴政府相同將來選派該項官員時自當按照來文所指各節辦理中國之於出洋華工政府亦以爲固應如是也所有此次往來照會應即附於條款之末以爲證據此照覆貴大臣查照須至照覆者

光緒一百八十七

臣朱壽朋敬編

臣章圭球恭校

夏四月己酉朔時享 太廟 上親詣行禮○諭前據御史李灼華奏參江蘇蘇榆縣知縣徐樹鐸各款

當經諭令魏光燾恩壽確查茲據查明覆奏所參各節查無實據惟該縣於所用家丁書差取之太寬致

滋物議徐樹梁著交部議處餘著照所議辦理該部知道○梁誠奏 臣伏讀 諭旨設練兵處參用各國

章程期成勁旅仰見 皇太后 皇上整軍經武發奮圖強深欽佩 維我武維揚聖人原不得已之

舉民命至重王者有不忍人之心近今各國行陣救疾扶傷不分畛域其法良意美尤推紅十字會為最

該會命意略如內地醫堂以拯災恤難為義務而於各國宗教不相關涉與會之人出入行閱各國皆公

認為局外同治三年始於瑞士國之真奈瓦地方創設公會議定條約十款簽押者十二國嗣後推行日

廣各國次第入會歷年兵事無役不從甚至后妃命婦之尊亦能不避艱危親調醫藥論者謂於兵凶戰

危之中行仁至義盡之道文明進化已信有徵而將士恃此志氣益揚忠勇百倍尤為兵家制勝之長策

環球各國日孳孳然討論而利用之中國尚未聯約入會似非 聖朝恩周庶類整飭戎行之本意惟會

體宏大經費浩繁基礎未堅勢難集事臣查各省善堂成效昭著竊其事者富而好善若令兼辦可毋庸另設會所至於籌集經費自以勸募爲正義倘蒙天恩酌撥內帑爲臣民倡明定獎格按捐資之多寡別勳章之高下捐款鉅者准佩帶該會金銀銅寶星次者准用該會徽章再次者亦得列名會籍用紅十字爲衣飾以京師善堂爲總會復於行省商埠酌設分會平時施衣贈藥兼辦軍醫學堂戰時防痲瘵傷實令隨營照料遇有他國軍事亦一視同仁派人前往經歷愈多收效愈廣軍醫可資補助將士恃以無虞竊以爲我皇太后皇上如天之仁超越降古必有以慰薄海之嗚嗚也臣體察近情懼紅十字會爲練兵不可少之舉謹將其奈瓦公會聯約條款各國入會費美國紅十字會章程譯成漢文照錄清摺恭呈御覽並就管窺所及略陳辦法擬請飭下外務部照會瑞士國政府聲明願入紅十字會聯約緣由俟覆文到日專派大員簽押一面查取東西洋各國紅十字會章程按照現在情形參訂會章頒發總會定期舉辦庶幾上張國體廣宏怙冒之恩下恤軍民作有勇知方之氣下外務部知之○外務部奏臣部於光緒三十年三月十九日准軍機處鈔交北洋大臣袁世凱等奏爲查明山東內地現在鐵路暢行擬請添開商埠以擴利源一摺本日奉硃批外務部議奏欽此查原奏稱山東沿海通商口岸內祇煙臺一處自德國鐵路膠濟以後青島興造鐵路現已通至濟南省城轉瞬開辦津鎮鐵路將與膠

濟之路相接濟南爲兩路樞紐商貨轉輸較便捷擬在濟南城外自開口岸以期中外咸受利益至省城邇東之濰縣及長山縣所屬之周村一併開作商埠作爲濟南分關統歸濟南商埠案內辦理等語臣等查泰西各國最重商務每多開闢口岸以便彼此通商而爲主國者得設關徵稅卽於籌餉之遺亦屬有裨直隸之秦王島福建之三都澳湖南之岳州於光緒二十四年間經總理各國事務衙門奏請自開商埠奉旨允准在案上年商約大臣呂海寰等條奏加開商場於七月間經臣部議覆應由各省督撫詳細查勘如有形勢扼要商貨齊萃可以自開口岸之處隨時奏明辦理奉硃批依議欽此通咨各直省亦在案今北洋大臣等以山東濟南城外爲膠濟津鎮兩鐵路交接之區地勢既爲扼要商貨轉運自屬便利擬在濟南城外自開通商口岸實於中外咸受利益核與秦王島三都澳岳州自開商埠成案相符其所請省城邇東之濰縣及長山縣所屬之周村一併開通商埠作爲濟南分關自係爲通貨便商起見均應如該大臣等所奏辦理如蒙 俞允卽由臣部照會各國駐京使臣查照並咨行北洋大臣等預備一切事宜參酌章程定期開闢妥爲籌辦並飭總稅務司欽遵辦理得旨允行○庚戌常壽大祀

天於 圖丘 上親詣行禮○諭商部奏革員創辦工藝局頗著成效懇恩獎勵一摺已革三品銜翰林院侍讀學士黃思永著開復原官以示獎勵○辛亥 上御乾清宮德國使臣穆默偕同阿親王覲見○

諭岑春煊奏饒人冒賞越界誘人謀殺官弁曠徇分別懲處等語廣東水師提標前營右哨千總儘先守備何維宗赤溪協右營右哨千總儘先守備林琳儘先千總方興國蘇亭珍劉金鉞已故把總朱島均著卽行革職廣東水師提督何長清失於覺察著開缺以示懲儆餘著照所議辦理該部知道○諭軍機大臣等嗣後遇有覲見日期各衙門毋庸加班奏事○癸丑以葉祖珪爲廣東水師提督任承清爲浙江溫州鎮總兵○練兵處奏本年正月三十日准軍機處鈔交出使日本國大臣楊樞奏陳兼管學務情形一摺奉 硃批練兵處知道欽此欽遵查該大臣原奏內稱日本陸軍經營數十年成效最著中國似宜添派學生來東專送入陸軍各學校以期成就遠大用濟時艱惟是學陸軍者每歲所費較多於學文科者數倍非自費生所能備辦似宜以官費培植之雖各省督撫近亦有選派學生東來者然爲數有限恐不敷千城之選應否 飭下各督撫將軍於世家官族內遴選文武兼資之少年學生添派東來分定班數人數送陸軍各學校肄業以廣將才而資錄用等語臣等竊維自強之計當以儲備將才爲第一要義而欲造就將才自非多派學生遠赴外洋學習新法不可惟各省向無一定辦法多派少派人數既屬不齊官費私費人類亦復不一欲求鼓舞振興之效必有整齊畫一之規查現時文科各生業經學務大臣奏派三十餘人前往武科似較文科尤急凡陸軍學堂之事本與兵事相爲表裏擬卽由臣總理其事所有

各省各旗每處應派學生額數若干每年應籌學生經費若干挑選時學有淺深應悉何格選取咨送時
路有遠近應限何時送齊以及留學在東應派定何人司其約束學成回國應考授何職予以登薦一切
應辦事宜均須明定章程方足以免紛歧而資信守臣等現已公同商訂謹另繕清單恭呈 御覽伏候
欽定如蒙 俯賜准行臣等卽分別咨行各省督撫及京外各成欽遵辦理自本年起將第一班學生
一律於七月初旬送到臣處以便考驗遣送出洋得 旨允行○升允奏奴才前因遵 旨籌辦屯田於
光緒二十八年五月奏請開墾馬廠各荒地並擬分年節餉章程開屯第一年發全餉次年裁半三年全
裁聲明將來如有應行變通之處再隨時奏明辦理仰蒙 俞准在案開辦以後由西安府屬之撫標馬
廠西而邠州北而延安榆林先行擇地安屯該屯兵等尙知勉力耕作兩年以來田膠渠道頗具規模惟
農田一事雖資人力全賴天時二十八年創辦之初夏麥已誤僅種秋禾雖各屯收數不齊尙不至大相
軒輊二十九年湖渭一帶屯地被水衝淹各處或傷於雹或傷於霜統計是年收成較之二十八年更覺
減色奴才體察情形實係天時所限不能歸咎於人亦非當日開辦之初所能逆料查原奏章程謂兩年
皆獲豐收則第三年裁其全餉原期以歲收有餘補月餉之不足乃兩年之中未逢一稔次年又係偏災
若遽節其半餉不惟該兵弁等無以卒歲且慮眾志解散致屯政廢於半途再四躊躇不能不稍更前議

仍按全餉發給以示體恤此二十八九年辦理之情形也至以後發餉應照章遞減而下然奴才竊有慮者屯田之設原欲國家無養兵之費而收有用之兵非戢戈案矢使士卒歸農也若驅無餉之兵使之自食其力勢必移其疆場之志消諸畎畝之中不數年後田廬於斯家室於斯雖有精銳之卒亦積漸而化爲農夫是有屯而實無兵有兵而實無用揆諸 朝廷興屯之本意殆不如此今疆圉多事各省皆以練兵爲急關中曾備 行都兵力尤不可不厚奴才懋前慮後參以目下之時勢有不得不稍爲變通者竊以爲分年節餉之說其意重在寓兵於農當承平無事之年誠爲至計設遇緩急則必先去其謀生之心而後可專其勇往之志武夫何知但知食公家餉爲公家兵一旦例有調遣自可舍耜執戈爲國効命戶今日而論當添兵不當去兵就今日之兵而論當增餉不當裁餉既不裁則屯田之利當使涓滴歸公陝西馬廠各地頗不穰瘠以後再推廣開墾不愁餉源無出或疑利不歸兵則墾作不力不知以利安其心不如以激勵其氣鄉人擁田一頃時有忻農備夫日給百錢轉多勸者倘能督率得人復以每年所獲提二三成充賞自不難鼓勵軍心使屯戶日有起色奴才以屯議商之屬僚證以輿論意見大略相同擬請仍發全餉而以屯利歸公俟將來察看情形果能餘九餘三再行酌量遞減下戶部議奏○乙卯 敦宜榮慶皇貴妃金棺奉移 東陵暫安○駐藏幫辦大臣桂霖因病乞休允之以鳳全爲駐藏幫辦大臣

○丙辰諭令春雨水調勻糧價迄未稍減各項貨物價亦昂貴推原其故總由東方有事謠傳太多以致商賈觀望貨物不能流通於商務民生殊有關繫朝廷於各國睦誼同敦自日俄用兵之始業經宣布局外之例現仍嚴守中立始終不渝京城內外各地方一律安堵著各省將軍督撫再行曉諭商民人等照常貿易毋得輕信訛言懷疑觀望以利商賈而惠民生○戊午諭朕奉 慈禧端佑康頤昭豫莊誠壽恭欽獻崇熙皇太后懿旨前據外務部奏萬國紅十字總會請旨查押一摺業經批准飭諭張德慈查押此會醫治戰地受傷軍士並拯救難人民實裨善舉現經中國官紳籌款前往開辦深愜朝廷軫恤之懷著頒給內帑銀十萬兩以資經費俾諭該員紳等盡心經理切實籌辦○諭前據御史黃昌年奏參知縣章燦等貪劣各款當經諭令徐會澄確查茲據查明覆奏前直隸天津縣知縣章燦於繳充善舉款項並非入己所參貪劣各款亦無實據仍著袁世凱隨時查看遵化州知州陳以培於挪用公款未能即時交還著開缺交袁世凱勒追倘逾限不交即行參辦該部知道○諭軍機大臣等兵部奏欽奉恩詔查辦軍臺廢員開單請旨一摺除王雲鳳李增誨毋庸查辦外丁耀龍著加恩釋回成泰著加恩派免三年吳炳鑫王以榮王萬森花鳳魁李田潘瀛蕭永年王士駿均著加恩派免二年涂恆山濮延常賈桂一王金山賈元桂均著加恩派免一年屆期即行釋回以示朕法外施仁至意餘依議○己未召禮爾巽入覲以陸

元鼎署湖南巡撫恩壽督運糧督端方署江蘇巡撫張之洞兼署湖北巡撫○以廣東剿匪陣亡子嗣將傅建勳等祭葬世職○外務部奏臣部於光緒二十九年十二月十四日准英國駐京使臣薩道義將英商凱約翰與安徽巡撫所立驗礦合同函請核覆前來當經臣部電咨安徽巡撫詳細查覆旋准該撫先後電咨稱皖省前有英商凱約翰遵章承辦礦務經前任巡撫聶緝榮飭商務局於光緒二十八年四月與訂歙縣銅陵大通寧國廣德潛山等六處勘礦合同二十三條以八箇月爲限先後連展四限每限三箇月扣至二十九年十一月止去冬凱約翰於未滿限之先來皖願將原訂歙縣大通寧國廣德潛山等五處刪除改爲開辦銅陵縣之銅官山一處惟查原礦合同開礦限期至一百年之久地下礦路至三十八萬四千畝之多未敢率行定局相持多日凱約翰執原約未能就範合將地圖說略暨原訂合同約據咨請核明辦理等因前來臣等查該商原訂合同內第十三條所訂期限年數多至一百年向章實無此辦法第十九條所指地段見方三十里居該縣全境三分之一且東西南三面均侵入鄰縣界內名爲銅陵縣一處實並其所轄之大通礦地暗包在內未免佔地太寬窒礙難行經臣等迭次面加駁阻該商總以原議六處今只承辦一處業已減無可派爲辭至期限年數太多尙肯略爲減少復經臣等堅持面議多次磋磨逾月該商始允將地段縱橫各減十里計見方二十華里其地面除蓋廠挖洞外均准民

開照常耕種及各項正用年限則按照雲南成案以六十年爲期並於合同聲明如屆期彼此均願展限則可展限惟展限之期不得逾二十五年之久其餘各條核與臣部奏定章程均屬相符間有字句未協之處亦經細加酌改以期周妥茲將改定合同二十條謹繕清單恭呈 御覽如蒙 俞允卽由臣部與該商訂期畫押作爲開辦之據得 旨允行○岑春煊奏廣東盜賊日多游民日眾推其所致實因民窮臣嘗調查近數年海關貿易總冊每年進口貨之價值浮於出口貨之價值率在三四千萬兩脂膏日竭無怪其然欲塞漏卮在興製造此廣東工廠之不能不急辦也省港省澳之路既已屬於英葡他處可以造路者尙多此廣東鐵路之不可不急辦也礦利之饒人所共悉粵省儘多佳礦徒以款絀未能大開此廣東礦務之不能不急辦也省城近年暑疫盛行春夏之交死亡枕藉天災之酷慘不可言雖致疫不止一端而大端由於飲水之不潔欲消滌屢宜講衛生此省城自來水不能不急辦也以上數端不過舉其最急最大者以外此等要政尙多所以未能次第舉行則以每年入不敷出且三百萬騰挪解款之不還奚有餘力以辦地方之事然既知其確爲要政又何敢諉之無款豈不一籌今於無可設法之中思爲慮借民款之舉擬借款三百萬兩每月每兩行息七釐限十年內分期攤還指定善後局所收之緝捕經費開姓山票鋪張彩票五項承餉作抵由局將每年應還之數按期撥交粵海關稅務司現在借款及將來

還款均由稅務司經手以免留難及需索規費等弊聲明此項借款實借實還永不作捐輸報効並全備辦理地方生利要政永不挪作別用及撥充軍餉以上辦法經臣議訂章程業經飭由粵海關稅務司錄寄總稅務司赫德閣定允爲代辦並經赫德擬定辦理此項備款事宜每年津貼粵海關稅務司銀七千兩左右謹將擬訂章程繕單恭呈 御覽如蒙 俞允卽當飭粵海關稅務司刻日開辦果其辦理有效不獨粵省要政可以次第舉行而風氣漸開亦可爲 國家費用民債之先導至各要政究竟先辦何事應俟借款得有確數後再行酌辦下部議奏○庚申以錫恆爲科布多辦事大臣○癸亥調李昭煒爲工部右侍郎察綬章爲兵部左侍郎○調增崇爲戶部右侍郎鐵良爲兵部左侍郎○以溥良著左都御史裕德署理藩院尙書長庚署兵部尙書○甲子調柯逢時爲貴州巡撫李經羲爲廣西巡撫○乙丑兩○諭刑部奏瀋明風憲官持摺索賄被控後賸混入奏按律定擬一摺御史榮桂著卽革職發往軍臺効力贖罪參領滿慶平日有無不法著該管大臣隨時查看餘依議該衙門知道○戊辰諭前據御史黃昌年奏參文武各員劣款當經諭令魏光燾確查茲據查明覆奏除黃弼等員查無實在劣跡毋庸置議外道員俞明震總辦鹽局紛更差委雖無賄弊實據究屬辦理不善著交部議處試用知縣郭希度年少氣浮辦事亦欠穩練著以府經歷縣丞降補都司彭晉麟居心貪鄙刻薄勇丁著革職永不敘用並不准投營

効力以示懲儆餘著照所議辦理該部知道○諭前據御史嚴忠奏江蘇銅山縣知縣陶杜銘誣盜殃民任用劣紳各款當經諭令魏光燾恩壽確查茲據查明覆奏該員平日尙知自愛惟於劣紳林之祺輕信任用不能覺查著交部議處指山東通判林之祺倚勢招搖聲名甚劣著卽行革職與劣紳周有道均交地方官嚴加管束以示懲儆○部知道○庚午外務部商部奏光緒三十年三月二十五日湖南巡撫卮爾巽奏湘省紳商請設湖南鐵道枝路總公司先將常辰一路集股試辦一摺奉 旨外務部商部議奏欽此欽遵山軍機處鈔交到部查原奏內稱湖南全省紳商呈稱湘省西南兩路水程則險灘林立陸途則山徑崎嶇以致物產壅積滯銷五金煤鐵每以運轉維艱無從開採是鐵路之在湘省尤爲刻不容緩現擬集股辦理枝路兩條一以通蜀一以通黔其通蜀一路擬自長沙一路分枝上達常德由常德達辰州直入川境與川漢幹路相接其通黔一路擬自衡州分枝達寶慶出武岡黔陽晃州入黔省惟通盤籌畫工費甚繁勢難同時并舉現擬先由長沙修至常德而達辰州計程不過七百里所需約八九百萬兩先就本地紳商集股再及滙漢南洋各埠如有不敷或酌借洋欸俾資周轉懇照湖南礦務總公司成案在長沙省設立湖南鐵道枝路總公司除粵漢幹路由美商承辦萍醴一路由萍鄉礦局自辦外其餘粵漢枝路均附屬川黔兩大枝悉歸總公司經理等情伏乞 敕部立案各等語臣等伏查路礦兩項

互相表裏湘省地大物博山川蔥鬱蘊蓄宏宏徒以轉運維艱不免藏貨於地是該省之辦路誠爲刻不容緩茲據該撫趙爾巽奏請設立湘南鐵道枝路總公司先將常辰一路集股試辦係爲自保利權起見擬請准如所奏先辦通蜀一路其通黔一路亦即接續辦理應令一面延訪工程師馳往逐段測量道里繪具詳圖一面卽遴派員紳詳擬招股章程限期開辦所有一切辦法隨時詳細咨報外務部商部核奪總須實事求是迅速興作不得稍事延緩至原奏內稱如有不敷酌借洋款一節查商部奏定鐵路章程第六條載集股總以華股禮佔多數爲主不得已而附搭洋股則以不逾華股之數爲限並不准於附搭洋股外另借洋款又第十條載開辦路工後若因工艱費鉅集股時意計不到致有不敷應准以機器房屋抵借洋款概不准以地作抵并須候部核准方可議借各等語蓋以集股則零星授受勢散權分借款則事歸專屬易起太阿倒持之弊故定章雖以股款并列而借款一條實指開辦路工以後意計不到致有不敷而言今該撫請辦常辰枝路意在自保利權且路工尙未興築自與開辦後意計不到者有別所請酌借洋款應毋庸議又原奏內稱粵漢枝路均附屬川黔兩大枝悉歸總公司經理等語查枝路附屬幹路應俟幹路築成後統籌全局分別緩急次第奏明請辦未便先准立案以昭核實如蒙 俞允應由臣等行知該撫遵照辦理得 旨允行○辛未陸元鼎等奏光緒二十八年正月十七日奉 上諭將各

省屯田地畝逐一澈底查明悉令該屯戶報官稅契聽其管業將屯餉改爲丁糧統歸州縣官經徵此後屯丁運軍名目概行刪除欽此又於五月十四日奉 上諭有人奏各直省衛所屯田請飭清查繳價以裕國帑一摺著各該督撫迅即認真清查分別妥籌辦理欽此均經前督臣 曾國一等侯 曾國一等侯 曾國一等侯 札行司道欽遵辦理去後 等到任後復經迭次行催茲據浙江布政司翁曾桂督糧道陸襄鉞擬議章程詳請具奏前來 臣等查浙省屯田散處各州縣均與民田犬牙相錯本易混淆田產戶册燬於兵燹又復無從稽考幫丁報產承糧固屬未能核實而瘠薄田地久荒未種一時亦難畧復現在清查不易惟有稍事變通先查成熟屯田次及缺額荒產庶不致曠日持久荒蕪無期覈其辦法大要有六一繳價宜定等差也查浙省杭嚴嘉湖台州温州衢州五衛所額管屯田地塘蕩共一千八百五十四頃有奇除荒蕪缺額外計查明熟田地塘蕩一千二百八十一頃有奇擬就查明成熟屯田無論軍執民執概分四則繳價杭嚴嘉湖台州衢州四衛屯田較瘠擬令每畝上則繳銀五兩中則四兩下則三兩下下則二兩均由該司道曉諭各戶按則報繳一屯田宜擬令每畝上則繳銀五兩中則四兩下則三兩下下則二兩均由該司道曉諭各戶按則報繳一屯田宜給印照也查屯田本公產現今繳價納稅聽其管業自應給予執照以昭信守應俟田價繳清由縣按戶造冊分送司道照册刊刻三聯印照一聯填給業戶一聯存縣一聯繳司一契稅宜照民田完繳也查民

間買賣田產每價銀一兩完稅銀三分屯田納稅自應一律飭辦惟契尾不與民田區別未免混淆應由藩司另刊屯字契尾分發兼管各縣覈明填用粘連照後給發收執浙省契尾新章每張應繳捐銀一兩此項繳價究與尋常買價不同契尾捐銀應請免繳以示體恤一缺額宜分別清理也查浙省自遣兵戩衛冊蕩然無存屯丁流亡產多荒廢現在承平已久而缺額甚多恐不免以熟作荒以多報少之弊應責令兼管各縣切實稽查分別清理其荒廢各產亦即招佃墾復造冊詳報一應徵各款錢糧宜照舊徵解也查衛所屯田向徵屯餉漕項屯折軍儲津租各銀兩名目互異科則輕重亦各不同較之民田究屬加畝各戶完納已久應請毋庸改變照舊徵收仍將所徵各款循照舊章分解藩司糧道各庫分案造報以期簡易而免紛更一查辦稅務宜專責成也查浙省五衛所前委仁和海鹽臨海西安永嘉等縣兼管雖各衛屯田散坐各縣而頃畝多寡各有不同若令出坐各縣分辦繳價納稅事多隔閡應責令兼管各縣一手經理具清冊彙報招佃墾荒或鞭長莫及准其移知田坐各縣幫同辦理田坐各縣亦不得推諉以上六條乃辦法之大綱其餘未盡事宜臣等仍當和衷商榷併同司道隨時認真清理總期上有裨於國計下無擾於屯丁以仰副 朝廷理財愛人之至意下戶部謹奏○甲戌論軍機大臣等有人奏四川隆昌縣知縣耿葆燻貪劣昏惰苛罰斂財等語著錫良按照所參各節確查具奏毋稍徇隱原片著鈔給閱

看將此諭令知之○諭兵部奏假冒總兵畏罪逃請飭查拏一摺據稱升用提督記名總兵胡榮翼親
屬前隨山西巡撫咨文赴部投到經該部行查保案並無該總兵之名原咨關防篆文亦不相符迭次票
傳未到竟無蹤跡顯係假冒著步軍統領順天府五城及各直省督撫一體查拏務獲送部究辦並著山
西巡撫先行查明據實覆奏○乙亥 上奉 慈禧端佑康頤昭豫莊誠壽恭欽獻崇熙皇太后山頤和
圓還海○調額勒精額為墨爾根城副都統以壽勳著黑龍江副都統

五月辛巳孫家輝等奏商務為富國之基礦務尤生財之要然中國辦礦多未奏效而賠累者輒行畏縮
奸巧者動且轉售非盡關礦學之不講也蓋一在難於籌款一在難於得人一等生長院邦習知本省礦
產外人覬覦已久前撫世王之春請緝築在任時與外人立約定章嗣後紛紛勘驗居民震動經臣潘慶
瀾奏交皖撫誠勳查辦旋據覆奏以皖境銅官山業被英商凱約翰訂定係因前定章程原有無論華洋
字樣是以難杜外人之干預然查現在商部訂定新章無論華洋會辦必須該省地方督撫查明於地方
情形有無窒礙并有無違背定章由部酌核准駁是前項合同按部章應行作廢但當此奸商林立若不
自行集款開辦先佔地步深恐羣起垂涎句引無業外人巧取豪奪事權一屬壓制萬分墮田廬無所
顧忌必致民心不服釀成交涉巨案而外人更藉以發端逞其所欲隱患因而無窮惟有預行自謀與辦

則利權有屬疆圉自安誠爲今日之急務查礦務爲專門之學其大端有二曰金類曰非金類無論淺嘗者無功耳食者之效卽博覽羣書未嘗躬親一試究無把握必得熟悉情形始有成效之員先赴各處探採方能立定基礎臣等查有二品銜福建興泉永道袁大化安徽渦陽縣人才識宏通經猷卓越素爲同鄉所推重尤爲原任大學士李鴻章所倚任薦保道員辦理黑龍江漠河金礦歲增課款幾至百萬該地毗連俄境幅輳數千里皆由礦局籌備防務不糜國帑一錢當時各股東坐享利益咸敬服不置是從前辦礦成效昭然可見者也若以辦安徽全省礦務詎關桑梓信從者衆必能聯絡商民籌集鉅款無事借貸洋股收效可期惟袁大化係寶缺道員未敢擅便查從前候補道李徵庸蒙 恩賞給三品卿銜督辦四川全省礦務直隸長蘆鹽運使楊宗濂蒙 恩賞給三品京堂督辦直隸織布局今臣等陳請飭派袁大化辦理安徽全省礦務事同一律可否請 旨援照李徵庸楊宗濂成案開去袁大化福建興泉永道底缺 賞給四五品京堂候補庶幾呼應較靈而事有可濟出自 聖裁非臣等所敢擅擬如蒙 俞允俟奉 旨後應遵照商部所訂礦章設立公司妥籌辦法呈明商部立案并由商部咨照兩江督臣安徽撫臣妥爲照料 上諭軍機大臣等本日大學士孫家鼐等奏皖省礦務自行籌款興辦請派熟悉礦務大員辦理一摺福建興泉永道袁大化著發往安徽辦理全省礦務○癸未諭練兵處奏大員報効練兵

銀兩一摺候補四品京堂周榮曜報効鉅款著以三品京堂候補○予故兩廣總督陶模於甘肅新驛建祠○乙酉諭禮部奏貢士覆試投卷人數尙少請展緩日期一摺著改於五月十七日在保和殿覆試○丙戌諭朕欽奉 慈禧端佑康頤昭豫莊誠壽恭欽獻崇熙皇太后懿旨方今時局艱危百端待理而財用匱乏以致練兵要政籌餉亦尙艱難中國地大物博何一非取之於民國家借貸民力何事不時處軫恤乃往往澤不下逮皆由上下隔絕中飽虛糜積習相沿牢不可破則允員浮費之爲害深也朝廷爲民司牧非以天下奉一人每念吾民瘡痍困苦祇切心疚且平日宮中服御省減常以節儉爲天下先當此物力之奇艱積重之難返尤應痛加整頓改絃更張卽著先自宮廷始嗣後宮內一切用款工程著儘內務府例定經費量入爲出不准再撥戶部款項其戶部正雜各款專作地方正用此外應行開源節流之處著戶部悉心籌畫遇事整理至內務府司員太多應如何裁汰歸併著政務處會同內務府大臣妥議具奏其餘內外各衙門亦卽仿照核辦次第推行該王大臣等務當破除情面切實通籌認真辦理以除冗濫而裕度支以期共副朝廷孜孜圖治之至意○諭朕欽奉 慈禧端佑康頤昭豫莊誠壽恭欽獻崇熙皇太后懿旨本年七旬萬壽迭經降旨施恩京外臣民無不均霑開溥因思從前獲罪人員除謀逆立會之原有爲梁啟超孫文三犯實屬罪大惡極無可赦免外其餘戊戌案內各員均著寬免其既往予以

自新曾經革職者俱著開復原銜其通飭緝拿並現在監禁及交地方官管束者著卽一體開釋事犯在
此次恩旨以前者概行免究以示寬赦慶典法外施仁之至意著該部及各省督撫迅卽查明具奏欽遵
辦理○丁亥大祀 地於 方澤 上親詣行禮○袁世凱等奏蘆漢北幹鐵路火車開行不日將抵安
陽縣境該處爲由直入豫省首站商賈輻輳一經開車票所有直南豫北往來貨物勢必改由火車裝
運沿途向設釐稅各局來源頗稀若不先事圖維不但失可關之利源卽從前釐款必至無著於餉需大
有關礙查南幹鐵路上年開車甫至信陽州卽經湖北督撫 咨商河南前撫 籌擇扼要地方另設專
局派員抽收火車貨捐按款平分撥解迄今開辦經年華洋各商遵行並無歧異北幹鐵路與南幹事屬
一律應卽援照辦理當經 督督同司局籌議釐捐火車運費較之車馬人力轉輸者快捷奚止百倍商
人趨利乘便自在意計之中非開辦貨捐不足以彌補救非統收分撥不足以杜紛歧現經議定先於河
南安陽火車站側設立直豫貨捐局兩省派員會辦專收火車貨捐沿途各車棧裝貨時應照新開徵收
進出口貨物辦法須執有該局捐單方准裝運貨捐科則統照值百抽一五驗收如有隱漏不符按章議
罰徵收捐款均按五成平分一切詳細節目查照湖北現行章程酌辦將來鐵路加長如有應行變
通釐利及未盡事宜均由 等商酌妥籌因時增損至兩省境內停車處所自應隨時添設分卡查驗補

收抽稅以杜偷漏總期直徹聯絡一氣實力稽徵以為抵補釐金之計現雖甫議開辦收數多寡尚無把握而挽回一分利權即公家可得一分實用等語為預塞漏卮維持權務起見往復商榷意見相同下部知之○戊子 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○己丑諭英暨等奏請取吉恭請 列聖聖容還御一摺熱河 綏成嚴壁衣各工現已完竣著欽天監敬謹選擇吉日吉時知照英暨等屆期恭請 聖容還御○辛卯請緝奏准戶部咨奏請通飭各省籌辦百貨統捐以保利權而便商民一摺於光緒二十九年十二月二十七日具奏奉 旨依議欽此鈔錄原奏恭錄 諭旨飛咨各省欽遵辦理等因當即轉行司局欽遵妥議詳辦去後茲據布政使翁曾桂會同釐捐總局詳稱浙江省上年奉有裁釐加稅明文即經詳委候補知府文錦提調牙釐局務查明合省土客各貨實在產銷確數土產之貨就地確查外來之貨就銷處確查以通年產銷實數酌定通年完捐總數祇因地源湖海汊港紛歧無可扼之要路且創辦伊始諸需接洽不如令商與商自為交涉總局持其大綱是以悉招本業殷實商人承認勻作十二箇月分繳承認之後黏貼印花沿途查驗放行不准留難需索捐由商認因名曰認捐實與統捐用意大致相同計自開辦以來先後將大宗貨物如錫箔紙張紙扇洋貨土布茶葉靛青毛猪柴炭竹木磁器藥品棉花煙酒等類一律由商家認定一宗之貨即飭停一貨之釐一

卡之貨認完卽隨時撤卡追認捐全數辦完則局卡亦可全數裁盡本省土客各貨悉皆查清數目異時或辦常關或辦銷場或辦產地均有依據現在辦理既有頭緒規模亦已粗定若驟易辦法恐商情轉致疑阻經理之人亦無所適從擬請暫行照辦一俟百貨逐漸查清局卡次第裁盡再行修整章程刪除認捐名目以歸劃一等情詳請奏咨前來伏查戶部奏請通飭各省一律籌辦統捐無非悉本產地銷地兩稅辦法預爲裁釐改稅地步浙省百貨釐金先已議令確查銷產實數一律招商承認雖不能保其必無流弊歸官歸商亦與江西統捐稍異要其大意則同爲預備裁釐起見於產地銷地兩稅並無違背祇因試辦伊始諸未就緒是以尙未奏報現在該司局陸續籌辦認定之貨釐金均已裁撤未認之貨正在飭查招認此時各省統捐尙無劃一章程若遽令改歸官辦再易統捐名目勢必紛更觀望釐卡轉難尅期裁撤擬應請 旨仍准暫行招商承認一面將釐卡陸續裁撤俟各省齊由戶部核定統捐專章頒發到浙後再將相符之處照辦應改之處更改此事綱領在於裁釐全省局卡已裁產銷百貨又經查有確數將來隨時布置更換名目皆屬輕而易舉矣下戶部知之○壬辰諭朕欽奉 慈禧端佑康頤昭豫莊誠壽恭欽獻崇熙皇太后懿旨從來民爲邦本國家人行政無非爲民州縣之設原來與民相親俾周知閭閻疾苦朝廷簡任督撫及藩臬道府等官皆欲其董率牧令盡心民事庶幾撫綏休養保我黎黎百

官俸祿皆係民膏民脂若養尊處優而不憫百姓顛連無告捫心清夜何以自安中國官民隔絕痼習已深頗聞各省州縣官多有深居簡出玩視民瘼一切公事漫不經意以致幕友官親濫敝用事家丁胥吏狼狽爲奸公歛則舞弊浮收刑案則拖累凌虐種種魚肉爲害無窮小民何辜受此荼毒深宮倦懷赤子每一念及常爲淚下嗣後實成各省督撫者查州縣必以爲守俱備下無苛擾聽斷明允緝捕勸能爲地方興利除害於學校農工諸要政悉心經費教養兼資方爲克盡厥職著自本年爲始年終各該督撫將各州縣臚列銜名年歲籍貫清單註何年月日補署到任經徵錢糧完欠分數及有無命盜各案詞訟已結未結若干起監禁羈押各若干名均令據實開報其尋常公罪處分准予寬免不准諱飾任內興建學堂幾所種植工藝巡警諸要政是否舉辦一併分別優劣開列簡明事實不准出籠統寬泛考語奏到後著交政務處詳加查核分起具奏請旨勸懲並著各省奏單刊入官報與衆共知以通下情而伸公論前經降旨諭令各省將書吏差役嚴行裁汰卽張之洞與劉坤一會奏摺內亦痛言此弊並恤刑獄各條皆於吏治民生極有關繫何以因循不辦著一體督飭屬員認真整頓各該督撫務當破除情面查吏安民切實遵辦用副朝廷力挽頹風勤恤民隱之至意○陳夔龍等奏 臣等於光緒二十八年五月間因蘆漢鐵路已由湖北漢口通至河南信陽楚豫來往商貨多由火車販運以致湖北境內漢陽德安等府所屬

各釐局收數頓細當以陸路火車與水路輪船運貨完稅事同一律飭令鄂省牙釐總局酌量於漢口地方設立火車貨捐局以期挽回利權開辦之初華洋商人因事屬創設不願認捐經臣之洞臣端方電請外務部特派總稅務司赫德襄助經理並飭由江海關稅務司妥定章程格外寬恤將釐章改輕凡由火車運貨者無論華洋商人均只按海關稅則納值自抽二五之半稅一次外鄂豫皆不重徵並於海關人員中選派一人幫同委員監察以通商情經理數月始克勉就繩尺上年因鐵路逐漸展長貨源日旺鄂豫交涉事宜必須會同商定沿途應設分卡亦須預為查勘由臣端方檄委湖北候補道左元麟前往河南會同豫省司道詳細商籌並與前河南巡撫張人駿往復電商議定由鄂委專辦豫委會辦委員核實稽徵自確山開車之日起所收貨捐豫鄂各半分撥該委員等循照章程遇事因應已將河南境內之駐馬店灤海河鄭城各分卡次第設立近來華洋商人曉然於統捐之法簡而易行絕無留難阻滯貨物闕關爭先恐後按月收數逐漸增加計自二十八年七月起至本年二月止共收貨捐錢十二萬七千餘串除去開支局用豫省先後劃分之款由豫省撥稅項下彙案奏銷鄂省則按月解交善後局充餉彙入釐金正款報銷伏查鄂豫兩省應解京餉協餉及本省營餉各款半恃釐金為大宗而鄂省比額較多收數最旺盈絀之間關繫尤重自火車暢行附近鐵路之水路各釐局向來應徵之釐半歸無著若不設法抵

補則本省應用致誤要請現幸火車貨捐竭力經營規模既定將來蘆漢鐵路接通之後各局盤金雖日見其絀而火車貨捐當可日見其盈是失之東隅者向不難收之桑榆也彼注茲於餉請不無裨益上年鐵路總工程司沙多來鄂曾以鄂省火車貨捐辦法最精為詞近來各省議修鐵路亦將來鄂查取章程臣等默察情形此項貨捐不惟外人無所藉口足以塞其稅之漏卮抑且各省皆可仿行並以省無形之臂舌有利無弊成法昭然而當其創辦之初舉事掣肘種種為難雖經一意堅持亦未料其悉就範圍速有成效至於如此所有在事出力各員勤慎從公始終不懈不無微勞足錄合無仰懇 天恩俯准飭部先行立案由 臣等隨時考查擇其尤為出力者酌保數員以示鼓勵下部知之○丁酉諭魏光燾等奏鎮江開辦警察匪徒藉端滋鬧分別查辦情形一摺鎮江為通商口岸五方雜處警察之設本不容緩該地方印委各員於此等要政應如何審慎周詳因勢利導乃限遷菜攤致匪徒藉端滋鬧迨令各店罷市致有焚燬房屋器械互斃人命情事實屬辦理不督委員候補知縣寶鎮山從九俞鏡嘯署丹徒縣知縣洪爾振均著交部議處江蘇常鎮道郭道直鎮江府知府祥福著一併交部議處均著認真整頓遴委委員接辦務除積弊而收實效餘著照所議辦理○己亥許台身奏查中韓條約兩國民人准在通商口岸居住貿易其餘內地祇准遊歷通商不能坐肆買賣且須請領護照原於推廣商務之中兼有清查匪類之

意無如兩國水陸交通處可通從前僑居華民本已隨地皆有自定約通使以後與韓鄰近之奉天直隸山東等省無業小民不知今昔情形附坐帆船仍由沿邊沿海偏僻處所不請牌照私入內地狃於故常有違條約而遊匪積棍並獲案遞籍潛行來韓者亦復濶雜其中人本桀驁地又荒寒行強逞兇魚肉善良無所不至往往激成鉅案節經督飭各口領事隨時設法稽查遇事竭力捕治究以距離駐所較遠時有鞭長莫及之勢現值俄日失和韓爲戰地人心浮動臣恐此等不法之徒別滋事端或礙大局正在籌思消弭鎮遏之法適據漢城總領事陳本仁報稱有屯浦華商李春耀等指控屢經犯案解回原籍潛復來韓之王耀發糾脅徒衆持械詐財等情並拘送在場劉昌言一名投案請究正飭緝聞又有天安郡華商公同首告該犯王耀發等復至旅居該郡華商陳慶麻柳鍾和寓內將二人網綁執持洋鎗快刀勒逼銀元威嚇行兇雖傍觀日韓人亦抱不平當時伊等情急致將王耀發廬姓卽盧老六及不知名之子姓三匪格斃當飭該領事馳往訊勘現據查明屬實稟請核辦前來事在海外辦理較爲棘手且王耀發等種種兇惡情形尤曠各國觀聽當茲多事之秋更宜詳確察度妥慎處置以手擊而杜流弊一俟擬有辦法卽當咨達外務部察核因思華民私入韓國內地本與約章不合肩販力作所獲甚微而散漫羣星且非商埠勢難派員設捕宵小因得遊行其間萬一釀成交涉所關轉鉅治本之法自以照約撤回爲

宜惟該商工等或居數十年之久或有產業賬目在彼諸多轉轉運令遷移必多損耗爲今之計祇有一面徐圖併歸商埠一面認真拏辦匪徒第戢其流於已來之後並宜塞其源於未至之先除由臣督率各領事相機妥辦外擬將韓國通商口岸及各國商民聚居已久之較大地方開單咨由外務部行文奉天直隸山東各省將軍督撫通飭所屬申明條約曉諭商民以後至韓貿易祇准在單開各處居住往來切勿不請牌照私入內地並嚴禁匪棍來韓以符定約而防隱患下外務部知之○庚子 上奉 慈禧端佑康頤昭豫莊誠壽恭欽獻崇熙皇太后山頤和園還海○辛丑外務部右侍郎伍廷芳因病乞休不允子假一月調理○調劉春霖爲廣西布政使以張廷燦爲雲南布政使○癸卯 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○諭禮部奏萬壽聖節禮儀一摺著在仁壽殿行禮停止筵宴○賜劉春霖等二百七十二人進士及第出身有差○命崑山員子奕謨過繼孫溥均改名溥信

○乙巳諭朕欽奉 慈禧端佑康頤昭豫莊誠壽恭欽獻崇熙皇太后懿旨現在物力艱難自應力除冗濫用資整頓前已降諭有飭裁冗員浮費而內外因循瞻顧未能實力奉行茲特嚴申誥誡樹之風聲所有粵海關淮安關兩監督著卽行裁撤其粵海關一切事務著歸兩廣總督管理切實整頓江甯蘇州兩織造同在一省卽將江甯織造裁撤凡京外各項差缺有應行裁汰歸併者著各部院堂官及各省將軍

督撫破除情面認真釐剔奏明裁併以節虛糜而昭核實○諭朕欽奉 慈禧端佑康頤昭豫莊誠壽恭
欽獻崇熙皇太后懿旨方今大局艱危民生凋敝全在君臣上下實心實政屏絕浮文力除積習庶幾挽
回氣數使吾民登衽席之安上年皇帝率王公百官以七旬萬壽禱慈崇上徽號及內外臣工奏請報効
靡俸同伸慶祝業經降旨訓切宣示均未允昨皇帝復以萬壽屆期皇帝應呈進奉為請再三跪懇具
見孝養之誠惟值此時事多艱日俄兩國兵事未定我東三省境內人民方在流離顛沛之中廣西叛匪
披猖生靈屢遭荼毒其餘完善各省亦復疲於捐派民力難堪滿目瘡痍深宮無日不為引疚豈尚忍以
百姓之脂膏供一人之逸豫此次皇帝所請仍不准行本年萬壽所有臣工筵宴著即停止各省將軍督
撫以下等官均毋庸奏請來京祝嘏京外文武諸臣並著一併不准進獻從前巡幸西安服御缺乏各省
將吏齎進方物鑿其惻忱是以賞收乃回鑾以後或猶相沿不已踵事增華實非宮廷所願徒以優禮大
臣未便顯加屏飭嗣後著將此等進獻概行停免以杜虛糜總之皇帝當以圖治安民為孝諸臣當以匡
時體國為忠宵旰憂勞正宜交相音儆內外臣工各修職業各矢血誠於籌餉練兵興學育才以及農
商工藝諸要政凡有裨於民生者合力振興切實整頓用以宏濟艱難俾天下蒼生咸樂昇平而躋仁壽
是則予之所厚望也將此通諭知之○丙午諭軍機大臣等朕欽奉 慈禧端佑康頤昭豫莊誠壽恭欽

廟崇熙皇太后勅旨軍制以整齊爲要練兵尤以籌餉爲先各督撫務須不分畛域共濟艱難以身作則崇儉去奢爲屬吏倡率各就本省財力實力籌措外銷之款核實騰挪中飽之數從嚴釐剔并歸併局所裁汰冗員清提陋規力除糜費以資挹注每年勻出的款若干以爲練兵之用不得多留優缺優差爲調劑屬員地步并將籌辦情形限一月內具奏○諭袁世凱奏道員才猷卓著據實保薦請破格擢用一摺據稱直隸補用道陸嘉穀才長心細操潔品端前在山東將鹽漕各項核實濶公咸增進款百萬餘兩自調該員來直籌訂煙酒稅釐經營綜核歲收八十餘萬之多實屬卓著成效長蘆鹽運使汪瑞高著交袁世凱另行差委所遺之缺卽以陸嘉穀署理廣成該員認真整頓期收實效務於鹽務日有起色以裕國課而益民生